

TeleAruba ainda no por bini cu show live

PREMIO MOTITO Y RUFO WEVER E LUNA AKI

ORANJESTAD (AAN): E berdadero y prestigioso "Premio Motito y Rufo Wever" e aña aki lo bay tuma lugar atrobe, y lo ta fin di Maart 1993.

Desde su inauguracion semper e premiacion aki a tuma lugar fin di aña, esta dia 30 di Januari den studionan di TeleAruba. Pero ya ta dos aña caba cu mester a graba e programa aki na un hotel grandi y despues pasa e video pa henter Aruba mira. Ainda

despues di dos aña TeleAruba no por pasa un "live-show" den su studionan pa motibo di renovacion. Esaki ta trece gastonan extra hopi halto pa e organizadornan cu ta un organizacion sin fines di lucro. DIARIO a compronde cu aña pasa Sonesta Hotel a coopera conhuntamente cu Crystal Casino y e premiacion a worde graba den Desire's Nightclub.

E huradonan cu lo saca e mihornan di Aruba ta e mihor

radioemisoranan, DJ-nan, TeleAruba, corantnan, studionan di grabacion, y Instituto di Cultura cu tambe atravez di Gobierno ta obsequia tur e plaquettenan tur aña dunando e maximo valor na e prestigioso premiacion aki.

E premionan manera semper lo ta: (1) Grupo Infantil/Juvenil di Aña. (2) Cantante Infantil/Juvenil. (3) Grupo Tipico. (4) Cantante Femenino. (5) Cantante Masculino. (6) Director Musical.

(7) Compositor. (8) Arreglista. (9) Compact Disc di Aña. (10) Banda di Aña. (11) Banda di Hotel. (12) Musico di Aña. (13) Revelacion di Aña. Nan lo dedica e festival aki na un personahe den mundo di musica aki na

Aruba.

Durante e premiacion manera semper, lo bay tin un excelente show y esaki ta dia 31 di Maart for di 10'or pa 11'or di anochi via TeleAruba.